

## Ի ՏԱՐԲԵՐՈՒԹԻՒՆ ԿՈՍՏՎՈՅԻ, ՂԱՐԱԲԱՂՈՒՄ ՄՆՈՒՄ Է ԼՈՒԾԵԼ ԿԱՐԳԱՎԻՃԱԿԻ ՇԱՐՅԸ

Կոստվոյի հակամարտութեան կարգաւորման հարցում Շայաստանը կողմ է խաղաղ բանակցութիւնների միջոցով լուծումներ գտնելուն: «Ոչ միայն Ղարաբաղի, այլև առհասարակ բոլոր հակամարտութիւնների հարցում մենք դէմ ենք ռազմական ուժի օգտագործման նախադէպ հաստատելուն եւ ռազմական միջոցով որեւէ մէկին ինչ-որ լուծում պարտադրելուն», - Մարտի 22ի իր ասուլիսում ասաց Շ.Շ. Ա.Գ. նախարար Վսրդան Օսկանեանը:

Ձուգահեռներ անցկացնելով Ղարաբաղեան եւ Կոստվոյի հակամարտութիւնների միջեւ, նա նշեց, որ դրանցում իրավիճակները խըստօրէ տարբերում են: Կոստվոյի դէպքում խօսքը գնում է ժամանակաւոր լուծման՝ արիւնահեղութիւնը դադարեցնելու մասին, իսկ կարգավիճակի խնդիրը յետաձգում է երեք տարով: Այսօր սեղանի վրայ եղած պայմանագրում նշում է, որ կարգավիճակի հարցը կը քննարկուի երեք տարի յետոյ, երբ բանակցութիւնները վերսկսուեն:

Կոստվոյի կարգավիճակի մասին, պէտք է անպայմանօրէն հաշուի առնուի Կոստվոյի ժողովրդի կամքը: «Ես կարծում եմ, որ սա մեզ համար դրական երեւոյթ է. փաստօրէն, միջազգային հանրութիւնը համաձայնում է ժողովրդի կամքը հաշուի առնելու սկզբունքի հետ. դա ինքնորոշման լաւագոյն դրսեւորումն է», - ասաց Ա.Գ. նախարարը:

Վ. Օսկանեանը նշեց, որ Ղարաբաղի դէպքում միջանկեալ որոշումներ որոնելու կարիք չկայ, քանի որ այստեղ զինադադար է, եւ իրողութիւն է, որ Ղարաբաղի ժողովուրդն արդէն ինքնորոշուել է: «Մնում է, որ միանգամից անցնենք կարգավիճակի քննարկմանը», - ասաց Վ. Օսկանեանը:

«Արմենպրես»